

摘藻堂四庫全書薈要

史部

欽定四庫全書卷會要

史部

硃批諭旨卷十一下

詳校官編修臣繆晉



欽定四庫全書薈要卷七千八百八十八

史部

硃批諭旨卷十一下

硃批陳時夏奏摺

雍正五年七月二十四日蘇州巡撫臣陳時夏謹

奏為奏

聞事竊臣標把總齋捧

硃批奏摺回蘇臣跪讀之下仰見我

皇上聖謨廣大

睿慮周詳

諭以為政之大端治民之先務臣惟有服膺

聖訓實心實力勉勵遵行以期仰副

但將科甲二字置之度外諸凡是矣

皇上宵旰勤求之至意臣自五月初旬起身會勘新淤

地畝并七浦閘白茆河往返幾及兩月所歷地方

見遍處田禾密插近值風雨旬日並無傷害若得

卿能

如此秉公敷政實心任事

一月晴朗年成可望大豐目下尚在乎糴又見年

時順適富戶收貯之米亦及時出糴所以市價亦

上蒼再

無不垂賜佑庇之理此理朕見之甚明勉之勉之
平減矣臣見劉河兩岸種植麻菽木棉恐翻種土

鬆致有瀉落漸久淤填即嚴禁百姓毋許栽種以
甚是

防顏瀉臣會同

欽差額爾成格劉藩長署督臣范時繹等查出桃源
宿遷睢寧新淤地一萬二千九百餘頃前經

奏明在案又據淮徐道康宏勲稟稱勘出泗州淤地
九千一百餘頃統俟文明無隱分別上中二則召
種陞科造冊

題報隨赴揚州公會勘陳公等塘下接串場河為

揚州諸水入海之要道五塘舊有閘壩引水灌田

因年久侵佔成田五塘堙塞而閘壩遺趾尚存串

場河亦淤淺窄隘今應逐一嚴查清理浚河設閘

若審

係應為者無論利溥與否當為百姓除害以復舊制利益甚溥茲據淮商黃光德等具呈咸

題到

願公捐浚築請照修理瓜洲江工之例先動用丙午綱運庫銀俟工竣照估補納臣等現在公同酌

發數

十萬正帑方愜朕心若槩令富商紳衿捐助似與議具

國體少有不協朕自另有道理
題今先呈

是

奏查水利工程時值農務正殷鄉民不及赴工趨役
暫行停工

欽差郎中臣鄂禮於六月十四日到蘇臣與鄂禮公

同戶部尚書

臣

蔣廷錫署督

臣

范時繹原任山東

撫臣陳世倌會勘太倉州之七浦閘查七浦為巴
城諸湖入海之下流其上流水深八九尺七浦僅
得水一二尺高於上流民田難資蓄洩驗之形勢

攷之輿情總以浚河深通為急此閘與劉河之天

是蔣

廷錫亦奏聞過

妃閘對峙猶屬堅固為淇浦之門戶似應不必拆

毀臣等現在詳慎確議期於萬全會疏

題奏又就近查天妃閘現今整理物料與白茆河應

遇有奏請之事令與陳世倌一同列名具奏浚河道統於農隙興工協同料理鄂禮未曾

奏請進摺是以到工日期未敢摺奏臣合代為

奏明查各河故道皆係從前豪強侵佔為田湮沒舊

制

聖諭甚明臣當逐處嚴查清出決不姑容以致河流紆折有負

聖心又地方凡有惡紳劣衿富豪光棍恃勢橫行者臣不時留心訪查密

奏至於打降訟棍奸蠹生事之徒臣時有訪拏即分
此為安民第一要務勉為之
別痛懲枷責發落不敢瑣瑣瀆

聞也又前

命往河工効力程夢英等十七員已陸續到工僅供料

理河工內有候選知縣暫行委署試用查江蘇現任廳員佐貳俱有本任責成又有兼理塘工河工事務並無閒員臣衙門遇有緊要公事乏員差委

仰乞

近日同知內竟不得人通判內候揀選人材發來亦不能目下即得聖恩揀發候選同知通判三四員到臣以便差遣委用

實於公事有益合并具

奏伏乞

皇上睿鑒施行謹

奏

覽

同日又

奏為密奏事竊臣前

奏嘉定縣知縣朱爾介醉酒濫刑一摺奉到

硃批臣欽遵察訪聞該員醉後糊塗片時而醒近日亦
自知儆戒及臣於會勘事竣回署即傳朱爾介面

宣

恩旨爾介跪聽叩謝

天恩感激泣下自誓戒酒改悔自新竭力辦事以圖報効我

皇上愛養人材

恩垂格外該員感激思奮定當勉為好官如仍敢陽奉

陰違即為負

能改甚好諒伊原非土木

恩罪大之人臣即嚴叅倍處不敢稍為徇隱也又查太

倉州屬之寶山縣知縣唐彥龍賦性疎慵諸事叢

脞其經理濬河工程又多懈怠似此庸才難堪邑
務查該令原由學正陞任今應否請以教官補用

合先密

具題改補

奏請

旨又署徐州碭山縣知縣吳大成查察盜賊漫不經心
該徐州知州張昕昏庸狗庇均屬溺職經臣一併
題叅以懲積玩合行具

是

奏又鹽城縣越獄盜犯唐良臣等三名係審

題擬斬之犯奉

旨嚴查臣懸賞勒緝已獲盜首唐良臣一名其二名現務以弋獲為期

在嚴緝務獲另

奏伏乞

睿鑒謹

奏

覽

同日又

奏為奏明事臣於會勘淤田回署即同署督臣范時
繹赴布政司察盤庫項查有前任布政司漆紹文
任內承造天津戰船一項多用庫銀三萬四千餘
兩布政使張坦麟揭報前來臣經具疏

題叅在案查建造船工江南各州縣向有協貼之例
每部價一百兩協貼一百五十兩應共貼銀一萬
二千餘兩尚有多用銀二萬一千九百餘兩據漆
紹文詳稱此項

是何言歟非理之辭

欽工非比常例船身物料較他省加長加厚採選木

已將

植各項費用倍重難免額外多費然較之往例動

少年

用過多臣尚在駁減確核實數其多發庫銀漆紹

任一

文難辭濫放之咎經臣據詳

詐惟

題叅聽候部議其多發庫銀除俟核明著落漆紹文

弊端

并承修各官分別追補統於天津戰船案內核明

朕意

題報歸結合行

奏明又蘇松糧道楊本植所欠部餉掛平銀兩經前

甚是

陞司鄂爾泰議將各屬俸工抵補在案臣以俸工不宜動用飭令另行彌補摺奏奉

硃批恩旨酌量伊力量能與不能料理今揚本植一力好

擔承業經解補清完矣運閩米石以恐有霉爛仰

蒙

聖心籌及臣查潮米變蒸多在春氣發動之候運閩之米於四月兌解已過春期係乾潔好米況內有上江一半秬米尤為堅實似可無上厝

欣悅覽之

聖懷至江蘇通省所屬倉庫各項臣嚴飭各屬如有歷

任因循舊欠盡令據實開報以憑著落賠完或應

題叅歸補現在通行茲有前任蘇州府通判張禹錫

署如臯縣任內欠解船工協貼銀一千三百兩經

前任布政司楊朝麟將地丁銀兩扣抵禹錫自任

完補嗣因病故未完茲新任交盤查出揭報正在

題叅今陞任蘇松巡道孔毓璞係伊楊州府任內有

人人

咸如此畏法何事不辦集也

查盤之責情願賠補歸欵業經解司清項矣是以

未經

題叅合據實

奏明又商人黃光德公捐一項奉

硃批令伊向鹽臣處具呈臣遵將黃光德原呈着令赴

鹽臣衙門具呈以憑摺
此項朕不欲行昨者噶爾泰摺奏請旨朕已批諭矣或

奏就近交完合行奏

恐衆論因伊富而設法令其効力也

覆查鄭玉珩致死邱義二一案黃履暹被誣一案久

經解審因臣會勘淤田并七浦河閘至七月初四

日回署方行審

題致違例限臣於本內聲明伏乞

此不為違限知道了

聖明恩鑒此二案捐銀贖罪又有不應杖犯余繹公補

呈捐銀一千兩統叙一本具

題到時有旨

題聽候部議查黃履暹案內臣前具摺於燈下作稿

將許華生捐銀三千兩誤寫史取善名下一時錯

偶爾錯誤何罪之有

誤今聲明改正伏乞

聖恩恕臣疎忽之罪感沐

洪慈曷勝惶悚之至并具奏

聞謹

奏

覽

同日又

奏為臣母疊受

殊恩感泣奏

謝事雍正五年七月十三日臣恭接

硃批摺子蒙

聖恩賜臣母貂皮寧絢伽南香珠眼鏡鼻烟壺奶酥餅

果子乾到署臣恭設香案謹隨臣母望

闕叩頭謝

恩祇領訖跪讀

硃批恩旨臣母子感激難名正在繕摺奏

謝七月十七日接到部文奉

旨諭吏部巡撫陳時夏之母賞給巡撫封典欽此臣隨

恭設香案望

闕叩頭謝

恩訖伏念臣滇南下士歷仕多年親闡萬里迎養徒懷
若非

聖天子眷顧

深恩安得十九年親顏再覩更蒙

賞賚頻頒

天恩賜壽且復榮邀

封典格外

垂恩聞

命頻驚凜

寵榮之疊至拊心多咎揣臣分以奚安臣母俯伏涕零

勗臣竭力報

主臣惟方寸心胷一身骨血雖捐糜頂踵傾歷血誠亦但能不瞻顧儒衿袒護科甲其餘卿綽然有餘當知此

無以仰報

風非維持儒教之道實斲喪斯文之習也須見理明透隆恩於萬一也蒙

賜到

殊批雲南督臣鄂爾泰奏摺臣伏讀之下念督臣欽遵
聖諭保護臣母安頓家室親至臣家看視起身感難言
喻更讀至視臣母如已母一語臣惟有遙拜泣謝

終身感之督臣鄂爾泰誠我
此人實不尋常乃國家偉器當效法之者
朝忠盡良臣居心行事臣謹當恪遵

聖訓師之法之奉為典型者也謹繕摺恭謝

天恩臣無任激切悚惶之至謹

奏

覽卿奏謝至誠愷切知道了

雍正五年九月十三日蘇州巡撫臣陳時夏謹

奏為密陳戰船之弊敬抒芻蕘仰祈

睿鑒事竊惟戰船一項臣查江南通省大小營船共計

三百六十五隻內除吧嘯船及哨船一百三十二

隻向例營員自修仍照舊例外惟舳舻趕繒沙嘯

戰船二百三十三隻經前督臣查弼納議

奏又經

廷臣會議於蘇揚鎮三府設總廠修造每年派遣官
一員領

帑承修往來監督副將一員公同監視外以府佐一
員同該船之本營遊守一員坐廠辦理工竣之日
令督撫鎮中之就近一員親驗交營等因奉

旨遵行在案臣留心細察其船工之堅固自無可虞但
浮費仍不能省而需索之弊仍不能免查此項船

隻巡哨海洋一年二次何至朽壞無如營兵捕盜
等以文員承修有例每將屆期修造而損具什物
早已偷賣殆盡不得不從新整備且有藏匿錨舵
大桅詭稱損失拆毀梁頭板片捏作無存原船捕
盜坐殿查工或以木植不堅故為刁措或以釘稀
板薄極意苛求及至修整完固而本船遊守措勒
拆換即有領回船隻而應出營收亦必遷延時日
故意作難必得使費陋規遂其欲則草率無詞拂

其意則刁難萬狀如此而欲求節省斷不能也若
歸各營修造則百弊盡除且工速而費省

皇上聖明曾有歸營之

旨早已

聖鑒及此矣奈營員百計推辭實欲避其勞而安其利
臣再四籌之目今且緩其營修而預為營修之計
合無仰請

皇上將此項船工飭令道官一員與副將一員公同領

朕

記得原係如此辦理之事現今該部查案

帑承修公同採買物料遊守與府佐公同坐廠經手

料理互相監制稽查務將各船損具什物桅錨之類查點全交有應行更換而可以不必更換者有應行備辦而可以不必備辦者互相斟酌損益無致糜費如此監修一二次使營弁兵丁經手熟習漸歸於營則需索推諉諸弊可杜矣查現今墩臺汛守皆歸巡察督查戰船亦係靖盜捍禦之需各汛又係巡察經巡之地應請

皇上將戰船一項亦歸併巡察管理其用過部價協貼
照例令布政司查核報銷巡察會同督臣

題報如有經修文武工程不堅侵尅冒銷及營中有
刁難勒索等弊巡察即飛章叅奏從重議處庶幾
各知所儆而節省浮費俱歸實用矣謹據實密
奏伏乞

皇上睿裁

勅諭施行謹

奏

爾此奏得無有所聞乎向來修船之弊朕所稔悉於即位之元年已命詳議現今奉行因其不甚妥協近日正諭令該部密察或另降諭旨尚在未定如專責武員修理萬不可行所奏知道了

同日又

奏為奏

聞事竊查江蘇地方臨江沿海之民每以沙灘漲地告

爭不已遂致率衆抄殺焚房經年結訟如丹徒縣
已革武生王大觀商謀令王志聖統衆爭圩致死
蔣廷宇等十五命燒屍焚房一案迄今一十五年

卿論經臣差提親審具

者目下之情部駁者經常之理也

題今奉部駁查交督臣嚴審臣查此案兩洲格鬪實

不止一二百人皆由從前承審各官不實心查緝
以致日久無踪類皆流亡死絕僅獲王志聖張聖
宇二人而志聖旋亦病故現犯王大觀等監斃者

既多案内牽連流離身死者不知凡幾臣念此等
奸徒固屬法所不赦但案經久不結已故者皆伏
冥誅現存各犯依律治罪足蔽厥辜若再行拖累
恐盡登鬼錄情有可矜是以仰體

皇上好生之心不得已就現犯審

題不敢有一毫徇縱捏飾也但愚民見利忘害凡各
屬告爭灘漲田地現在查審者二十餘案即今審
明定斷值地方官一有更易刁頑之徒又必翻告

爭端復起臣請查各屬爭奪地畝不能輸服者將

告爭田地一概歸公召佃領種將所收籽粒實貯

此一

料理之策甚當但未免猶招物議朕意何必咨部

官倉每年造冊咨部以為河工歲修之用庶以杜

為河工歲修之用莫若將此項收入社倉仍歸百姓之

紛爭而收實用此非不恤民而實所以愛民也今

用則

撥之情理允協矣照此具題可也

勘出睢宿桃等縣淤地內或有犬牙相錯覲覲相

爭興訟者臣亦歸公召種以息爭端應否如是伏

乞

皇上批示遵行再臣查松江與浙省交界之處鹽梟巨

此一案李衛亦曾奏過此種鹽梟甚屬可惡今既擒獲

販每聚衆數百聯船列械拒捕殺傷案如山積久

首惡當務除根株不得草率完結莫惜千連毋存姑息

知有滿洲二姑即沈氏與徐二兩人為首兩省私

既咸係積年匪類便留其餘生未必肯改為良善將來

梟皆其所屬查沈氏從前獲過兩次漏網徐二尤

仍復犯法徒多他日之累耳須立堅忍之志肅清此一

為巨盜積賊之窩久為民害現今部文嚴拏在案

大不法之習勉之勉之毫無可矜可惜處極宜見透

臣密囑松江府同知金文宗密訪設法擒拏文宗

選捕密行查緝至八月間以計先獲沈氏之子張

當嚴加訊審一一按名緝捕此一案總用不得慈祥二

三與其媳計氏得其踪跡隨於小崑山擒獲沈氏

字汝母年邁且係婦道此等事槩不與聞為是若欲為

八月二十五日於婁縣地方先獲徐二夥黨張二

母積壽惟秉公除殘去惡是務設將強盜放生冀求善

朱三寶隨帶家人捕役訪至季家宅地方密圍擒

慶朕則難以深言矣

捉獲得徐二黨衆拒敵致傷水手一名現將徐二

嚴之慎之干係甚大

與沈氏各交縣嚴行監禁其陸續獲到夥犯孫六

加意慎防毋得稍忽

等俱經隔別嚴禁現飭嚴訊據沈氏供係康熙二

十年賣於正藍旗轉賣正白旗逃回除現今查訊

明白另疏具

題外合將該同知拏獲巨梟情由據實奏

聞謹

奏

覽

同日又

奏為據實奏

聞事臣家人齎捧

硃批奏摺回蘇臣跪讀

諭旨仰見

皇上播德敷仁至公至當時以吏治民生

教訓勉勵臣一字一句敬謹遵行惟有嚴察奸兇以除
益將為萬世無疆之福但不敢二字似屬勉強
民害不敢徇情科甲以端士風時時凜惕始終不

須竭力勉為之渝以仰副

聖主一德同心之盛治也今當萬寶告登之候查江蘇

各屬蚤禾已於八月收穫因七月間風雨稍多收
成畧減不過十分中之一二晚禾正在收割蘇松
常三府屬實有九分十分七月間大雨連綿虎邱
一帶驟漲三尺幸得先濬婁江河道諸水匯入婁

江由劉河暢洩水急勢勇潮水為之阻退是以蘇

天人交

松獨得高低齊熟蚤晚俱收尤有異者禾頭俱生

青蟲忽起

西風

兩日

盡行

消滅

莫非

感之際實分毫不爽此等事乃出於理之自然並

非奇異

但

以忠誠上格朕保其感應之必有徵也期共

聖主洪恩所覆庇也

江鎮淮三府屬八分揚州府屬六

勉之慎之

七分太倉州屬八九分通州屬八分徐州屬五六

分邳海二州屬六七分查江鎮淮揚徐州海州所

屬十四州縣夏秋水發臨江近湖低田間有被淹

之處惟沛縣尤甚臣已將各邑被災情形具

奏

聞

聖

鑒

伏

乞

聖

題在案現在委員確勘是否成災另行
被水處絲毫不可隱諱亦不可令屬員以輕為重任意
題報仍一面撫恤災黎不致失所幸今年各處成熟
糧報

目下米價頓減即此江濱卑下淤田被水而內地

仍屬有秋災傷亦屬有限可無上厯

實慰朕懷
聖懷也今農工將畢各河道開工在即有松江府華亭

縣人候選副使道張棠特赴臣衙門具呈情愿捐

即將銀三萬兩以充河工公用又據蘇州府人原任兵
部職方司主事蔣文瀾同弟姪蔣文源蔣應鰲等
二家願捐情節敘入本中具題題到廖廣謨之事

朕另有諭旨

公同具呈情愿捐銀三萬兩以充水利公用各等情前來臣恐有人激勸勉強捐輸因傳張崇蔣文瀾等敬宣

皇上洪恩動

帑數十萬金為紳衿士民興永遠田疇之利並無絲此一詢問是當之至既據伊等咸稱出於至誠將此數毫派累此等公捐是否出於中心或係有人激勸語亦併敘入本中題奏崇等俱稱蒙

皇上天恩廣興水利將來河工告成士民實受無窮之

福今歲蘇松大稔獲利已多莫非

皇恩所賜棠等願捐實出一點誠心並非因人勸勉懇
切具呈請

題臣不敢壅於上

聞伏乞

皇上睿鑒施行謹

奏

覽

雍正五年十一月初六日蘇州巡撫臣陳時夏謹
奏為奏

聞事臣奉行收買銅器一事今於蘇州城內設局委佐
貳一員守備一員動發庫銀收買臣以衙門所用
黃銅器皿首先發出領價次及司府各縣俱令盡
行交出以為民倡并嚴飭各典鋪故衣鋪將典存
收買之黃銅物件俱令交出領價尤先禁絕打造
銅器店鋪并將所存器皿盡令交官領價其紳衿

富戶以及鄉民之家臣着於保甲內稽查令甲長
逐家曉諭令將銅器盡行出賣如有私行隱匿不
又不可過於嚴急致滋紛擾也
賣以及些小塞責着隣里保甲首報照例治罪至
收銅估色臣謹遵

聖諭飭令收買人員公平估色較準部秤平買毋許尅
估短價臣不時赴廠督查實力奉行臣意更許民
此說不可若於一歲之內各省皆收銅器以抵錢糧則
間將銅器抵完錢糧照價給票似亦便民之一法
兵餉官俸一切國用出自何項恐有淺見之督撫誤想
而銅器更得多收矣合行

及此所以近日有發部議之諭也奏明又奉道新旨行

上諭嚴禁賭博與造賣賭具一事臣久經嚴飭通行屢

此一事當嚴禁毋懈經拏獲賭犯枷責臣又常夜出巡查今并嚴飭保

甲稽查窩賭之家及造賣賭具之人定以勸懲之
法務期禁絕臣不敢視為具文始勤終怠也合并
奏

聞謹

奏

覽

同日又

奏為謹籌耗羨歸公之法仰祈

睿鑒事竊臣歷任河南直隸俱係耗羨歸公經理有方

度支有節可以杜虧空而礪廉隅法至善也臣蒙

皇上隆恩簡畀江蘇巡撫即思照例請行曾經摺

奏奉有

硃批仰見

聖明洞鑒情形臣何敢不慎重周詳以期至當惟查江蘇賦重耗輕不同他省兼之修造戰船採辦顏料公用欸項甚多加以各員養廉之費前布政司漆紹文恐用度不敷以致因循臣訪察各州縣火耗不一因先通查實數據各屬開報紳衿富戶每完銀一兩僅加耗六七八分不等百姓完銀則有包收之侵漁銀匠之傾折每兩火耗實計一錢有零臣現在嚴行通飭不論官戶民戶火耗一例以加

一為率嚴禁包收等弊與布政司張坦麟通盤合
算江蘇額徵地丁雜辦錢糧并帶徵舊欠銀兩除
正額外每年共計加一火耗銀四十一萬五千二
百五十兩零臣意將此項耗羨總歸司庫督撫司
道府州縣養廉俱從司庫支取請自雍正六年為
始各州縣耗羨照全提之例同正項一總解司經
收應給各衙門養廉照所定之數按季給發他如
修造戰船則可隨時辦理以免各邑協捐之遲誤

辦解顏料錫蠟公用以及應給各衙門胥役工食等項俱可次第料理凡屬動用耗羨之處布政司逐一詳明督撫照數支給造冊送核統於歲底將一年提貯耗羨與支用之數開造清冊會核密摺

奏

耗羨銀兩如有存剩只可辦理本省公事豈有聽候撥聞所有存剩銀兩聽候撥解或有徵解不全公務增減解之理若將此項歸入正供不但堪為笑談真屬妄謬之處統於冊內聲明臣之愚見如此而張坦麟以之舉矣

為盡行提貯惟恐難行再四籌畫查各州縣之繁

簡惟在錢糧耗羨之多寡即以錢糧耗羨之多寡
定州縣之養廉酌於各州縣耗羨內扣存二分以
為養廉以八分解司公用以通省之耗羨辦通省
之公務按季造冊申報督撫存剩若干歲底具摺

奏

以公完公此說尚可

聞以公濟公而從前無著虧空亦可漸次彌補矣此布

政司張坦麟之議也臣思耗羨歸公係

國家公事臣與張坦麟所議意見不同蓋以州縣養

廉尤宜斟酌均平張坦麟概於耗羨內扣存二分
以作養廉查大邑錢糧十數萬兩應扣存二分銀
二三千兩加以收漕耗米贏餘之益似屬過多簡
僻州邑如海州睢寧地丁銀一萬餘兩若計扣二
分火耗養廉僅止二三百兩又屬太少臣今分別
有漕糧州縣酌給養廉一千兩有漕糧之簡僻小
州縣酌給養廉八百兩其無漕糧之大縣酌給養
廉一千五百兩則大小各州縣之養廉可無多寡

張坦麟所見卑淺不協爾所見是朕意既提耗羨不若
不均之慮應否如是伏乞
全提庶免不肖有司借端舞弊也
聖明裁奪施行謹

奏

覽

同日又

奏臣查江蘇各屬額徵地丁雜辦銀三百五十六萬
一千八百五十八兩零又帶徵康熙五十一年至
雍正元年均徵一分舊欠銀五十九萬一千一百

八十七兩零共計加一耗羨銀四十一萬五千三百四兩零內除州縣徑解河工糧道驛道銀一百三萬一千七百兩應需補平飯食等項銀三萬九百五十兩零外實提解司庫耗銀三十八萬四千三百五十四兩零至雍正二三四五年民欠錢糧不在額徵之內其解司耗羨應以徵完之數另行聲明外今將通省公務及各員養廉銀兩數目約計存剩銀兩數目繕具清摺另呈

睿覽伏乞

聖鑒謹

奏

此奏朕不達不便判斷當與否是與非也諒卿自必斟酌妥確而後舉行朕不過一覽而已但就中藩臬二司養廉皆一萬餘金似屬太過如修船辦料等項何至七萬之多修船或有貼費辦料但有贏餘耳豈庸幫貼其添平銀兩亦何至四萬之多再如道府州縣之養廉又

少覺不足此朕未達之論偶爾書示亦不為準也

同日又

奏臣查蘇州布政司一年收銀數每年各州縣解司
庫銀約三百餘萬兩每百坐平銀一兩三錢共銀
三萬九千餘兩又水脚銀每百八錢飯食銀每百
七錢約共銀四萬五千兩再每年放銀數除兵餉
足發不扣外給發驛遞銀每百扣平三兩船工俸
薪雜項每百扣平二兩缺站銀兩每百扣平二兩

又扣部費二兩銅觔紙價銀兩每百扣平二兩每
年約給放銀一百五十萬兩共約扣平銀三萬
兩以上收放坐平扣平約共十一萬四千兩此臣
所畧知之大概也猶有臣一時未及查出者尚有
三萬餘兩為此謹

奏

此內各項應一一察明者諒張坦麟自必據實奏出倘
伊見不及此當諭令奏明請旨

同日又

奏為奏

聞事臣齎摺家人回蘇跪讀

硃批諭旨仰蒙

聖恩垂問臣母臣謹隨臣母望

闕叩頭謝

恩不勝感激臣自知愚昧叨任封疆屢蒙

皇上隆恩諄諄教誨凡吏治之經權民生之利弊人情

之誠偽與奸惡之必宜剪除科甲之不可瞻徇詳
悉宣示實皆大中至正千古不易之定理臣惟黽
勉力行以期仰副

聖主一道同風之盛治再查吳淞等處水利已於十月
二十一日興工但歲內工程天寒日短力作有限
要在開春併力可得三月大工河道當有成效矣
伏讀

硃批諭旨飭臣嚴訊滿州二姑沈氏徐二等仰見我

皇上為民除害之

聖心即天道福善禍淫之正理臣久知沈氏等惡極罪
觀汝於刑名禁飭等事件頗覺疎緩若如此識見卑淺
則大失朕之所望勉為之
務盡根株按擬具

題斷不敢稍有寬縱臣母年衰好靜日惟念佛以祝

聖壽仰報
前旨乃朕預防未然之意
皇恩毫無預聞公事合併

奏明查今年被災州縣輕重不齊蒙

聖恩浩蕩發

帑金二萬兩交督臣為上下兩江賑濟之用黎民呼

頌

皇仁聲聞山澤惟沛縣被災獨重黎民環懇

天恩請照康熙四十八年之例緩徵本年漕糧俟來歲

秋收補徵拾運臣查沛邑委因被災獨重勘係實

情敢據情

應題請者

題請伏乞

聖鑒至被參巡察博濟騷擾驛站索詐情由奉

旨交署江寧將軍何天培與臣嚴審臣欽遵拏到博濟
及內幕家人等監禁因應審各犯未到博濟現今

患病容臣勘河事竣會同何天培審擬具

知道了

題又陳沂震貪婪悖謬蒙

皇恩不加重典惟令於江南水利捐貲効力自認捐銀

二十萬兩限半年完繳至今限滿僅完銀六萬四
半年之限得毋太嚴乎緩之恐其設法隱匿耶總在鄉
千九百餘兩任催抗不全完除現在嚴查家產搜

秉公酌量為之一面將陳沂震并伊子舉人陳士任等

題參治罪合先

奏明又漕米霉爛一案蒙

寬大之恩朕不但願居此名而且甚惡此名亦不敢
皇上寬大之恩將才能縣令留任分賠其平常之員離
為此沽名之舉揆情酌理應如是辦理所以有此旨也
任賠完送部引

見臣欽遵分別具

題又桃源縣劫獄犯人張大金棍等逃匿河南臣選
差捕役往捕并移咨河南督臣田文鏡差捕協拏

未據緝獲又據漕臣張大有咨稱各犯轉逃湖廣
地方臣多差幹捕密往跡緝懸以重賞鼓勵務必
此等事皆汝縱盜養奸所致可不悔艾而加慎耶此
拏獲另行具奏伏乞
若不能照數緝獲斷乎不可

聖明睿鑒施行謹

奏

覽

同日又

奏為奏明事臣接准部文奉

旨周中鉉居官聲名甚好但聞伊前任畧有
如果有虧欠之項則不便准其管理關稅
酌量委用欽此欽遵臣查周中鉉前係出

陞補華亭縣知縣任內正襍錢糧俱係
並無虧空即其署印六合宜興上海三
未清之項及陞授松江府知府向無存
糧又查從前管理海關稅務額外贏餘

有案可據亦無虧欠未楚之處且周中
不十年間荷蒙

特陞知府感激

皇恩實心報効毫無欺隱臣是以委之重任
旨檄行布政司張坦麟嚴查有無虧欠應不
再行

題覆合先奏

聞謹

料理完結臣計封印一月得以少閒用敢仰懇

聖恩允臣馳驛

陛見仰覲

天顏叩請

聖訓臣於地方或有

奏摺所未盡之事得以面陳躬聆

訓示而臣犬馬依戀之私亦得少安矣謹繕摺請

旨伏乞

睿鑒批示遵行謹

奏

今歲不必來京即來亦無面諭之旨爾諸凡皆是惟於盜案刑名事件料理未協識見甚淺慎毋膠固痛加改悔可也

雍正五年十一月二十四日蘇州巡撫臣陳時夏
謹

奏為奏

聞事雍正五年十月二十六日怡親王同大學士張廷玉遵

旨寄字到臣臣跪讀

上諭仰見

聖心無所不周

訓諭無微不至凡有利於民之事無不舉行有害於民

之事無不禁止臣欽遵

禁止

黃銅一事從前為何疎懈不嚴耶

諭旨謹將收買黃銅器皿飭禁賭博賭具禁宰耕牛屢

次

諸禁亦不在驟嚴於一時惟宜久遠奉行留心訪察為上諭現在彙集刊刻印發各屬并查從前所頒

要

上諭有關於民生風化者註明某年某月因何事所降之

旨一并續行刊刻通飭各屬照式多刻自城市以至僻遠鄉村無不徧貼曉諭使咸知

皇上教養萬方之至意目今收銅之令正在嚴行并令保甲稽查勒限交收無使隱匿其賭博並造賣賭

言之

原屬甚易

具之人亦在飭戢查拏務期禁絕至私宰耕牛一

事臣今加意嚴禁一應竊牛盜賣之案飭令各屬

實力

行之

上緊追緝照例重處不致寬縱以遏此風至若邪

教妖言之類自我

皇上御極以來

置之不問何由得聞耶此邪教最壞風俗當時時留心

恩深澤厚民心安帖寂然無聞然臣更無不留心稽察設法伺察方能得其踪跡此輩行藏豈有不詭密之理

也至各屬遵行保甲已經通飭無論紳衿百姓一竭力為之至於保甲固屬良法然行之甚難若不得有

體編入互相稽查在三冬更為嚴切今歲江蘇豐

為有

守之州縣

而迫令編查

徒滋紛擾

耳

收踴躍完漕社義倉米穀聽民隨便輸捐並無苛

迫民生樂業有熙熙皞皞之風再臣由高寶徑赴

山陽鹽城會同

欽差額爾成格劉藩長河臣齊蘇勒署督臣范時繹等

查勘射陽湖淤地甚為廣濶約有二萬餘頃盡屬

膏腴現委淮陽道等履畝查丈分別領墾統於雍

正七年陞科另容會

題外惟查山陽一邑所轄甚寬周圍三百餘里縣令

一官附於府城不能遙顧查廟灣現有城池應否
將山陽分設一縣移駐廟灣則錢糧刑名諸務得
專責成且查濱湖沿海亘綿六七百里止有廟灣
設遊擊一員地廣人多亦恐鞭長不及似應於此
處添設巡道一員以資彈壓防禦則地方謹嚴似
屬有益臣與河臣督臣細加籌畫容查議妥確另

行具

齊蘇勒到京已曾面奏但事關創舉須詳慎為之其設
題外合先奏

道添防各務題到時另有旨
聞臣又查崇明縣知縣張文英臣曾見其辦事勤敏似

屬能員今訪其修理

文廟借名勒索各號沙船換票銀兩約得萬金又借
詞訟罰銀至數千兩之多止以百金修飾廟貌餘
竟侵匿入已現在被人首告但張文英係臣與督

臣范時繹保
既據爾等謬行保題朕亦謬加賞鑒矣知人不易於此

題在先已經給咨送部引

更可見也

見臣不敢隱匿徇庇合行密

如應參則具本題參

奏又上海縣知縣李枚臣見其辦事勤幹催科嚴緊

與署督臣范時繹會稿

題薦一時疎畧竟未留心查察經手錢糧遂即給咨

送部引

見蒙

皇上陞補太倉州知州

今患病在京賜醫調治

今查李枚原係無錫縣知縣調

補上邑兩任內有未完船工銀二千餘兩又署嘉

邑任內未還賑米一百八十餘石又錫邑未完漕

項銀一千一百餘兩又上邑接受前任交盤未完銀一千七百餘兩又借欠原任山西巡撫蘇克濟

猶屬家人趙七銀四千兩種種未完之項臣不敢隱匿
猶屬可恕之過審其力能完補則尚可姑容倘伊無力
俟其回蘇到任上緊查追務令其歸補清楚另行
歸補將此未完各項帶赴新任必至於拮克小民也如

具

何其可

奏合先密行奏

聞謹

奏

覽

同日又

奏為欽奉

聖明訓誨微臣感激難名恭謝

天恩仰祈

睿鑒事雍正五年十一月初七日臣於淮安舟次謹接
大學士馬齊朱軾張廷玉孫柱遵

旨寄字到臣臣望

闕叩頭敬繹

恩諭仰見我

皇上代

天御世立法無私以

慈祥愷悌之

深仁行除暴安良之

善政使庸懦之徒婦人之見恍然悟養奸之足以貽害
求福之適以濟惡臣愚昧頓開心誠悅服鹽臬孫

四等拒捕傷人一案冒昧比照自首律擬罪實屬
錯謬臣之性情柔軟不能秉公執法臣罪何辭乃
蒙

皇上洪慈不即加罪更不欲顯斥臣非

教訓諄諄反覆

開導至於此極臣具有心胸敢不奮勉濯磨時刻詳慎
臣正在淮安會勘淤地容臣回署當細心查案妥
擬具

題并嗣後一切案件臣祇承

訓旨尤當細加研究務期執法平允斷不敢枉法徇縱

以仰副

聖主保愛蒼生之至意也為此叩謝

天恩謹

奏

汝諸凡皆可惟於刑名禁約二事識見甚屬卑淺朕屢
經嚴飭若仍執迷不肯洗心改悔汝既深負朕委任之

恩朕亦再無寬貸之理也如田文鏡料理刑名案件汝
豈不知能無愧乎

同日又

奏為欽奉

上諭事雍正五年十一月十三日接奉大學士馬齊等
遵

旨寄字到臣伏讀

上諭仰見我

皇上敦崇節儉愛惜物力一器一物俱期適用不尚華麗亦不肯置之間地至於外間督撫大臣進獻之物

皇上鑒其恟忱不忍拒却酌收數種實屬

天恩然亦必期於適用如黃地紅花之氈實非常用之物內庫收貯已多若外間又復陸續進獻實耗費於無益之地今蒙

皇上明白曉諭嗣後祇遵

諭旨再不敢以此進獻臣并全錄來書

上諭知會文武大吏共仰體

皇上敦崇節儉愛惜物力之

聖意咸各敬謹遵行謹

奏

朕非為沽節儉愛物之名而令傳諭也因其實不適用耳覽奏朕甚愧之若似此卑屑體會朕意則大悞矣

同日又

奏為敬據臆見仰祈

睿鑒事臣於十月間會同河臣齊蘇勒查勘七浦吳淞
河閘其時連日蘊熱忽發大風二日海潮陡長盈
丈勢甚洶湧幸海塘工程十分堅固高聳民人恃
以無恐臣爰思塘工共四十里其石塘三千八百
五十餘丈臣前細勘漂缺口工程其建築堅固之

法已經備細摺

聞先修石工甚不堅固倘遇有前年大潮恐不能得築
奏在案惟查當日勘估之時就海潮紆緩之處修築

所以

朕有旨令察為何不見回奏

土塘二千四百丈間雜石塘之中臣思海勢衝激

風濤旋轉無定而土塘與石塘連接仍恐波濤日夜衝啗聯絡之處歷久不堅不若一例請建石塘誠屬一勞永逸之至計今查估土塘工料一萬二千九百餘兩以次險石工計之約添木椿大石鐵錠石灰等項所增工費十萬餘兩可以一例建築石塘則成四十里之金城為海隅萬世之利矣是
否有當伏乞

聖明垂鑒更有

朕另有旨諭旨到時爾其悉心籌畫具本題奏

奏者蘇州有致和塘自婁門至崑山綿亘七十餘里
為蘇松接壤要道田疇千萬頃藉為隄防查係宋
時建築歷年既久坍塌甚多有跨塘橋一帶橋坍
塘倒不特行人病步驛馬難行一遇水發則汪洋
溢漫田禾首先被淹且賊艘出入無阻今據地方
耆老士民頂香具呈請照浙省海塘之例紳衿富
戶捐資農民派役修築此塘利益萬世臣查石料

睿鑒批示遵行謹

奏

致和塘工程照此具題候朕酌奪

聞得常保住伴送西洋使臣一路虛張聲勢甚不安靜
伊等過蘇時爾出郭十里遠迎即於來使前向常保住
跪請朕安殊屬失儀且聞爾親請赴筵中設正席旁設
看二之席相待果有其事乎又聞常保住勒索人夫多
至數百名是何道理可一一據實奏聞毋得絲毫隱飾

朕旨不過令地方有司優待一切供給勿致缺少而已
初未嘗令封疆大臣如此越格失體而行也況常保住
不過色衣微員因向日西洋人往返中華於時

聖祖皇帝俱令色衣人員伴送朕今仍照舊例而行之事
爾此番舉動若果如所聞則大不合矣

雍正五年十二月二十四日蘇州巡撫臣陳時夏
謹

奏為據實奏明仰祈

睿鑒事臣蒙

皇上硃筆諭旨訓臣迎接貢使欵待失體

聖訓嚴切不勝惶悚臣於八月初間報聞蘇祿國貢使

回國有

欽差御史護送已至蘇州胥門臣即出迎

欽差叩請

聖安實因敬

主心誠不知為皂衣微員也胥門離臣衙門二里實無

出郭外十里迎接之事及貢使至臣衙門進見時
待茶而別彼面稱要往虎邱遊玩有吳縣長洲元
和三縣於公所備滿漢席并尋常果點各二桌邀
請貢使請臣與布政司相陪貢使因病不來赴席
即將所備之席送去並未設有看二之席臣亦無
親請赴筵之事至常保住舟過蘇州三縣照常例
供應緯夫數十名接送過境細查並無勒索數百
名之事即或別處地方有需索之事臣實無所聞

不敢混行具

奏仰蒙

諭旨諄切臣伏思外國來使臣原不應許其入城進見
以及向色衣微員恭請

聖安之處是臣粗率失體咎實難辭曷勝感愧惶悚理
合據實

奏明伏乞

睿鑒謹

奏

常保住經過山東浙江等省皆多索夫役船隻到處將
朕所賜之物稱揚賣弄與地方官看家人收受門包鑿
鑿有據何獨於江蘇三縣則不然再行詳察據實奏聞

同日又

奏為奏

聞事欽惟我

皇上聖明光被

惠澤覃敷海晏河清星聯璧合嘉禾瑞麥疊見庠徵近
奉

旨通行停奏瑞穀仰見

皇上敦崇實政之至意今雍正五年十二月初九日據
松江府華亭縣詳報據里圖士民吳兆龍夏彥威
等呈稱十一月二十四日瑞雪方晴風和日暖河
工一帶地方天降甘露樹枝茅屋之上大如晶珠
自辰至巳凝結不散仰蒙

聖天子愛養元元致此太平景象仰懇轉詳具

題恭

謝等情又據金山司巡檢陶世英報稱卑職奉委疏
濬運石河催儹工程十一月二十四日天降甘露
自辰至巳凝結枝頭光彩的礫合行報明等因具
詳到臣我

皇上聖不自聖安愈求安

德沛天下而不自居

恩渥萬民而如不足惟務勤民之實政禁止獻瑞之繁
詞但此甘露奇祥實屬古來罕見父老歡呼羣黎
傳播臣不敢壅於上

聞謹繕摺奏伏乞

睿鑒謹

奏

具題到日有旨頻年以來屢蒙

上蒼垂賜休徵朕若不欣幸感慶非人情也然朕意但以

爾等封疆大臣得人代朕宣化為真瑞似此嘉穀甘露
景星慶雲河清海晏之祥朕實不敢以感召自居而亦
不敢以祥瑞誇詡于天下後世也卿等亦當具如此想
為是期共勉之慎之

同日又

奏為奏

聞事竊臣標把總齎捧奏摺回蘇跪讀

硃批諭旨臣不勝悚惕伏思臣雖至愚仰蒙

皇上諄諄誨誠敢不勉勵奉行以期刑法至當禁緝謹

嚴實心竭力辦理地方事務惟時時服膺

須奮勉痛改若不能翻然醒悟仍存卑鄙之見將來恐
聖訓猶恐祇遵不逮何敢心口相違稍存一毫欺飾臣
追悔不及也朕自信于寬嚴二字之當否處實見得透
不特素無此心亦何忍萌此意也伏乞

徹

聖恩垂鑒前奏耗羨歸公一事敬繹

硃批臣謹遵與布政使張坦麟細加商酌全提耗羨以
辦公事以給養廉務在秉公酌議定於雍正六年
舉行一面另行具

覽

奏又松江府知府周中鉉承辦銅觔例限屆滿洋商
尚未到齊不能足數起解周中鉉固屬勤幹能員
為何又致如此不妥
而遲延之咎實屬難辭臣現在咨叅聽候議處合
行

奏明又陳沂震未完銀兩蒙

恩諭半年之限似屬太嚴然臣恐一經因循或致設法
隱匿藉延歲月令地方官寧嚴無寬庶克有濟今
廖賡謨捐銀之案亦在嚴追據繳完銀七千八百

餘兩金三千一百八十兩零又金飾物件三十四兩零現行估變其餘捐贖之案亦俱上緊嚴追不使延緩合行

奏明近日狼山鎮臣郭祺報稱拏獲洋盜袁三等九名搜出器械衣被贓物供認江面行劫此等盜犯本擬即行處死以除民害但在洋為盜必有餘黨

浙省自應窮治因發按察司嚴究以盡根株另行具奏即今所獲之沈氏徐二實係鹽梟積窩慣盜犯案

豈有因恐拖累遂爾草率完結之理乎似此存心江蘇
甚多今解浙省究審臣意此等積惡既無枉屈即
盜賊安望淨盡耶糊塗之極解至浙省李衛自有料
應處死除害以省牽連拖累之苦以免疎虞脫逃
理李衛非爾等科甲大儒瞻前顧後引古準今者比也
之累合行

奏明至刼獄盜犯張大金棍等臣現在多方設法嚴
賊不獲則罪不免此奏何益
緝尚未弋獲臣又挑選捕役四處密拏務期必獲

臣於刑名盜案恪遵

聖訓事事認真辦理斷不敢稍有寬縱也今在殘冬禁
賭查夜處處倍加嚴緊地方安靜二麥秀發米價

盜賊不靖良善不安有何太平盛世之風似此虛文朕
甚平百姓完漕辦課以為卒歲之計共樂太平盛
殊為汝耻之
世之風合并奏

聞謹

奏

覽

同日又

奏為奏明事竊查蘇州府震澤縣革職知縣鄭金先
於四月間查比積年舊欠錢糧有簡村地方居民

藉稱重徵擾累擁進縣堂打毀門牆通報到臣卽
批布按二司嚴拏審擬隨有鄉民等赴臣衙門投
具無名呈狀臣即查訊拏到張為公等十七名并
惡棍楊秀林一名一並發審去後據蘇州府知府
溫而遜審詳布政司稱此案各犯取供後陸續病
故七名按各犯供稱有傳催保戶錯開欠戶者亦
有櫃書收侵在逃者但不據實稟明輒敢赴縣關
閘將為首之犯照律充軍為從者減徒在逃之楊

秀林嚴緝另結失察重徵之知縣鄭金已經另案
革職免議監斃人犯之典史記過免叅等語茲據
布政司會同按察司詳稱此案係該府溫而遜抗
延承審拖斃多命徇庇朦詳率結請將溫而遜以
溺職

題叅等因到臣查積年舊欠半屬抗頑原非良戶
即有櫃書傳催保戶重開之弊在縣令固難辭咎
但不稟明查究輒敢倡衆鬧鬧公堂刁風甚不可

長。今案未確此見甚是審先將知府叅處恐惡棍長奸愈肆

拖斃刁頑更難徵比臣今另委賢能確審應否俟審明
之責自屬難辭有何徇庇處耶
之日將該府拖斃徇庇職名附招

題叅合行密

奏伏乞

睿鑒批示遵行又原任江撫吳存禮身故其欠項累累
臣密囑各屬留心察查產業據高郵知州報稱有
吳存禮家人李朝佐住居州境查出房屋二所計

二百五十間田地九處共計三十頃有餘訊係吳存禮置買之產今將房屋人口嚴加看守此外有無隱匿別項產業併令各屬密行查察外合將高

郵州查出旗員產業先行密

亟當嚴行查究
奏伏乞

聖明批示祇遵又臣接准浙省督臣李衛咨稱奉此二犯係奉朕旨特命緝捕者
旨密拏烏鎮地方惡賊黃魚大王滋泥大王二名等因

到臣臣思此等賊黨散處各方惟應密行訪緝隨

差中軍遊擊協同蘇松巡道於震澤縣近烏鎮地方密訪拏獲積窩武舉金士吉一名向係慣藏大盜坐地分贓之人又獲得女盜沈吳氏一名混名雌老虎有名積惡大盜俱撥兵押護解赴浙省督臣究審合具奏

聞謹

奏

覽

雍正六年正月二十九日蘇州巡撫臣陳時夏謹
奏為奏

聞事臣家人齎摺回蘇恭讀

硃批諭旨蒙

皇上訓誨嚴切臣不勝悚慄惶懼臣以愚昧無才識見
卑淺於刑名盜案致多疎縱失職上負

聖恩委任之重捫心自愧罪實難辭蒙
罷斥固易但朕實賴顏對天下後世諸臣何不少為體
皇上天恩不即罷斥處分屢加

諄切訓誡令臣

諄耶
此四字莫做口頭語容易看過
洗心悔過臣感激涕零惟日夜痛自刻

責事事整飭嚴謹以贖前愆斷不敢執迷怠誤也
臣接准部文各省鑄錢搭放兵餉奉

旨俟各省報收銅器到日看所收觔數可以開鑄即行
文設局鼓鑄於錢法甚有裨益欽此臣查蘇城所收
黃銅器皿已有三十餘萬觔今各府屬縣設局收
買所報多寡不齊布政使張坦麟陸續發銀現在
上緊催收源源交納俟各屬報到遵將收銅之數

約可按季足鼓鑄即當題請設局開爐
題報候

旨定奪再臣讀

硃批諭旨聞先修石工甚不堅固倘遇有前年大潮恐
不能捍禦所以朕有旨令察為何不見回奏欽此臣

查部文於雍正五年十二月十一日到蘇臣恪遵
諭旨即咨會署督臣范時繹原任山東撫臣陳世倌郎
中臣鄂禮現在訂期會勘臣先於去年四月因海

塘滌缺口工程報完臣親赴查勘驗其建築之法
跟底排釘木椿深密堅實累砌大石十一層縱橫
鑲嵌膠以石灰鈐以鐵錠似屬堅固曾經摺

奏在案今蒙

特頒諭旨仰見

皇上綢繆萬全之至意臣欽遵會同范時繹等公同會
工程不固朕聞之最確絲毫不可固執前論悉心會勘
甚悉心詳察不敢絲毫隱飾另具奏

據實奏聞

聞至耗羨歸公一事臣接奉

硃批諭旨又捧讀張坦麟奏內

硃批諭旨臣與張坦麟酌核全提火耗於二月開徵後
舉行至各員養廉應行增減之處臣等公同酌量
妥協另具奏

聞謹

奏

聞江南有奉旨提耗之說陳時夏若忍為此語不畏頭
上

昭昭之鑒察乎誠如此則是為君上者推誠二字萬萬不可矣

同日又

奏為奏明事竊蘇松糧道楊本植丁憂離任今准部

文欽奉

特旨楊本植如交盤清楚即令到京不得逗留欽此隨經轉行飭催在案茲查楊本植一應錢糧俱經清楚無虧祇因存庫項下應解部銀四十餘萬兩所

需飯食解費銀兩尚無交出新任道員欲以正項
扣出抵作解費短少正項詳為虧空楊本植懼難
彌補必致遲延不能起身今情願將應解存庫正
項照數自領協同委員赴部解交應需飯食添平
等項本植在京措足交部料理掣獲批迴以副即
行進京之

是
旨則公事無誤不致逗留似屬兩便臣一面取具交盤
冊結造報仍於交盤案內聲說

題明但恐舊員無協解錢糧之例格於部議合將情
將此情由已諭部矣
由先行

奏明又原任兩淮運使何順認辦松江海塘續添椿
木一項需銀七萬三千餘兩蒙

聖恩借動庫帑著追完補在案今何順呈稱願將現存
田地房產并親友欠項變抵外尚有不敷庫銀四
萬六千餘兩有兩淮運使任內雍正二年衆商規
禮節禮五萬四千兩未經繳收懇將此項抵補歸

庫等因臣因事關庫帑隨即行查今兩淮運使張
璨詳據衆商稟稱雍正二年網規節禮五萬四千
兩未曾攢送何順未曾收受是實臣查各商應出
舊規既未交收即屬公項或提撥公用抑或准抵
完庫臣未敢擅便合行密

奏請

旨批示遵行謹

奏

兩淮鹽商為國家急公効力處頗多豈有代何順催追
商欠完項之理此說悖謬何順若無銀還庫自有身命
可抵何庸爾為伊激切耶

同日又

奏臣自雍正四年十一月初六日到任至五年十二
月連閏計十五個月所收司道各關規禮銀共二
萬四千七百六十八兩零又臣於天津鹽道起身
時蒙

皇上賜臣作盤費銀二千一百八十兩零又臣於河南開歸道任內代各屬縣墊過驛站銀三千兩已經各屬送交江蘇收訖連前各項通共銀二萬九千九百四十八兩零臣自到任起至雍正五年計用去銀數除承造船隻製造軍械并撫標兵丁號衣旗纛及臣閱操賞兵家口食用齎摺人進京盤費幕賓束修各項共用去銀九千九百四十兩零實存銀二萬兩現貯臣署仰請

皇上諭旨另發公用或將此項收買銅器或修理倉廩
買穀積貯伏祈

聖明批示遵行又臣所收銀數以及用度各項俱臣親
手登記纖悉無遺臣無總管堂官一應屬員並無
門包陋規所有司道各員所送舊規外有隨禮銀
共四百餘兩臣給散家人為衣履之用事屬瑣屑
本不應煩瀆

聖聰但臣不敢絲毫欺隱合併聲明謹

奏

覽所奏何瑣屑猥鄙至於如此果肯秉公正色如鄂爾
泰田文鏡於地方上興大利除大弊令百姓沾永遠之
惠國家享悠久之福其功與能豈此二三萬金所能酬
答耶假若庸碌無能沽名釣譽甚至悞國殃民即取用
此數千金亦屬過分朕前面諭汝者甚明今此奏令朕
如何批諭耶據云一一親手登記纖悉無遺誠如此何
暇辦理政務況江蘇事繁一日之光陰無幾一人之精

力有限專於細小者必致遺悞大者要者多有人論汝
見小不識大體今覽此奏果不謬矣譬如逸盜不捕而
嚴約奢靡銅賭不禁而驅逐娼優類斯者不可枚舉捨
本而趨末避難而謀易無非沽名而已人心不服雖令
不從也誠能將大者難者力圖數事俾令行禁止人咸
感畏其餘些小易辦之事只須出一告條若不各各遵
奉朕知必無是理也且用人必須得當捕役中可信者
亦不多得若將幹役皆差辦碎雜末務遇緊要事則不

得人而使矣況輿臺下胥窺見巡撫務小競以卑鄙瑣屑之事來相迎合何體統耶朕通盤看來祇取汝之不事欺隱一節然朕實鄙之從此若不能醒悟痛改再加以掩飾則朕無可為汝怒矣身為大臣但當於遠大留心幾許銀兩多寡增減有何關係少寬裕自無不感過苛細再無不怨此人情之常不待言者此外朕實不能諭如何若何也

雍正六年正月二十九日兵部尚書降一級調用

臣何天培蘇州巡撫臣陳時夏謹

奏為奏

聞事竊被叅巡察博濟奉

旨交署江寧將軍何天培與陳時夏會同嚴審臣欽遵
於勘河事畢回蘇路由常州協同何天培到蘇會
訊博濟已將經過滁州等各州縣勒索婪贓情由
逐經供認在案其中有口供未符之處今正開印
後臣等復經質訊明白正在成招會

題不期博濟畏罪於正月二十三日夜間自縊身死

臣等隨委員查驗委係自縊身死查博濟係奉

旨發審重犯該地方官不嚴加看守以致疎虞所有疎懈各官現在嚴查另疏會叅外合先繕摺奏

聞謹

奏

殊屬疎忽之極

雍正六年三月二十九日蘇州巡撫臣陳時夏謹

奏為仰荷

聖恩訓誨微臣感激難名涕泣奏

謝仰祈

睿鑒事雍正六年三月初四日臣標千總齋捧奏摺回

蘇臣恭讀

硃批仰蒙

訓諭嚴切臣不勝感激悚惶又於三月二十一日接准

部文奉駁周得安命案欽奉

諭旨等因到臣臣恭繹之下仰見我

皇上至聖至明無微不照且感且愧俯伏汗流竊念臣

微賤庸愚深荷

皇上殊恩不次拔擢無以仰報萬一每於刑名盜案多

刑名

盜案動關人命

豈容率畧疎漏

是向言歟

有率畧疎漏

臣罪何辭乃蒙

爾之不受協處由於不識大體欲行小惠卑陋鄙淺之

天恩屢加訓誨至再三臣之鄙陋惟

偏見也

仍復強辯何益

皇上鑒之臣之不職惟

皇上宥之反覆開導切中臣病我

皇上之知此語頗通何也人若不自知臣勝於臣之自知臣不禁感泣銜

恩叩頭流血而不知也臣今服膺

聖訓愚昧頓開勉力改圖惟將疎懈者整飭之因循者

有何

可整飭振作處第事事按律執法不徇私減公酌

中辦

理即是矣

振作之悉心專辦公事以期仰副

何必言孤立字

聖明諄切訓誡之至意至臣一身孤立不避怨嫌仰蒙

聖明洞鑒臣愚感

恩至極謹繕摺奏

謝伏乞

睿鑒謹

奏

孤立黨援朕皆不論但須還朕公是二字如不公不是即使孤立無援於國計民生又何益耶第一要著俾闔省官民知畏勝如感恩也毋差錯爾念

同日又

奏為奏

聞事臣查江省各衛調幫兌漕抽幫兌白一案係漕臣

張大有具

題奉

旨允行今訪有通倉退役王八等來南招搖撞騙臣隨
密令署蘇松糧道毛德琦嚴拏訊究今據毛德琦
訊明王八即王天申已經供認得過銀二千三百
兩但查搜出合同議單等項派費銀二萬有奇又
經搜出朱斐徐朝鼎一札指稱有怡親王的當之
人名色捏開使費一萬七千兩更為駭異臣思怡

親王公忠體

國稽察屬下甚嚴久在

聖明洞鑒之中內外臣工無一不知今棍等竟敢造言
相騙甚屬不法除將造札之朱斐等現在嚴拏并
拘案內未獲要犯嚴審實情分別定擬具

題外所有該犯等妄札

臣謹密封進呈

聖覽伏乞

睿鑒施行謹

奏

此一事之奏聞及辦理處甚屬可嘉如此方是其未獲
要犯已諭怡親王在京亦嚴行察拏妄札合同暫留以
備獲犯後質証

同日又

奏為據實奏

聞事臣欽奉

上諭以松江海塘不甚堅固令臣等會勘臣欽遵會同

署督臣范時繹陳世倌鄂禮前赴公所同詳察
細加籌畫已經會

題在案臣于途次聞得嘉定縣知縣朱爾介催科認
真因徵催積欠於二月十一日夜有刁民將四門
城外吊橋木板拆棄水中杜絕催差下鄉并聲言

完舊糧者同衆抄搶隨據朱爾介拏獲周福元等
此等事皆由於棍徒平昔藐視爾等督撫無能之所致
也今其刁抗之罪既著若更優柔示惠以謂化大事為
題外其吊橋當即修整舊欠徵催如故合將情由奏

小事則從此地方上無所底止矣浙豫兩省可保必無
聞又臣欽奉

諭旨蒙

皇上垂念督臣范時繹未定養廉之項著江西安徽江
蘇巡撫悉心計議如何定為總督養廉之處具奏欽
此臣向聞督臣衙門上下兩江布政司每年各送

規禮銀四千兩江西亦然驛鹽道亦有規例未知
范時繹將其分內規例已奏聞矣尚少覺不敷汝等三
確數臣現在咨商安徽江西撫臣悉心計議作何
省撫臣彙奏到時朕酌定後另有諭旨

定為養廉之處俟酌定另行奏

聞目今七浦河福山河徐六涇吳淞江正在開濬將次

完工各夫俱係現銀給發如有地方官及里總科

派之事臣即行嚴拏言之甚易叅究不敢姑容累民今歲春

深慰

朕懷

間晴雨宜時二麥甚茂俱經秀實可望舊收米價

亦平民生樂業地方安靜又奉

旨嚴拏劫獄逃犯張大金棍等臣差捕由漢口復至河

南跟緝據報於南陽縣地方已被漕臣兵弁擒獲

張大金棍張二金棍鈕解來准合行奏

朕已知矣
聞又前經奉

旨發來試用各員現經量才委署已經咨明內部今新任布政司趙向奎因料理公事差委乏員與臣商

量懇請

候揀選得人時再看似汝等僅知顧已不能造就屬員
皇上再發候選候補知縣一二十員來蘇以便各項委
之督撫人材殊覺可惜耳
用如有可用之才臣即

題明試用倘或才品不及臣即據實

題明仍令回京應否如是伏乞

皇上批示以便具

題謹

奏

覽

雍正六年四月初四日蘇州巡撫臣陳時夏謹

奏為奏明事案查雍正二年二月陞任通州知州白
映棠奉調入闡署內被竊庫銀七百兩當經吏目
與收書公同賠補未經通報至雍正三年十一月

復有葛喜閃入櫃房行竊被獲究出前失之銀經
葛喜供認同邵大等七人夥竊各分銀一百兩寄
頓錢舖高士偉程宜善等七家該州拘高士偉等
嚴訊俱各照數供認繳完高士偉隨於是年十二
月病故及臣到任之後白映棠隨陞山西汾州府
知府離任之後高士偉之父高振以伊子誣寄賊
贓受刑身死具控據按察司白清查訊程宜善等
俱改供寄贓無據畏刑認賠高士偉實於刑訊後

一月因病身故具詳將白映棠

題請解任質審等情前來臣查白映棠以二次盜竊庫銀之重案匿不通詳縱盜遺殃溺職殊甚高振之子病故已逾一年忽行控理衆口翻供難以懸斷必得原問官質審始得實情相應據詳

題請將陞任知州白映棠解任提來質訊明白將偷盜庫銀重案究擬定罪并將匿報情由具

題合行奏明伏乞

聖明批示遵行謹

奏

似此理應具題之事何必又多一番瀆奏總之爾素性
瑣屑不諳大體遇事遇言自不覺顯露本來面目也

同日又

奏為奏

聞事竊江蘇地方今春雨水調和二麥茂盛現據蘇松
常鎮四府屬俱報七八分收成其餘各屬俱稱正

若能

刑名案件一一清楚更必感召

當秀實之時甚是豐茂再得晴和一月定獲豐收

天和豐

收倍可期矣

俟各屬收成報到另行具

奏外臣前具

奏蘇州致和塘驛路頽圯羣情願捐貲修築現今各紳公議樂捐密估工料以定捐數容另具

題但查致和塘祇係自蘇至松之要道尚有由蘇而上至京口下至吳江與浙省交界通衢往來馬路歷年久遠日就傾頽若不急行修築將來滋費愈

大臣因水利工程緊急未經議及今幸開濬各河
將次告成閘座亦在興修俟各河完工之日臣會
同署督臣范時繹另行

題請將通衢馬路同

欽差查勘或動

奏詞前後互異再三細看不解專指何事且修治道塗

帑設法興修完固則江南河道塘工要路俱得整理

與築堤濬河之工迥不相連爾意不過欲地方上感戴

永戴

已德故為此言以懲愆朕聽朕非市私恩務虛名之主

聖恩於奕世矣合先奏

也就事論事只言當行與否庶幾猶可似此無知亂談

聞伏乞
批為大臣者應出諸口落之楮墨者耶殊屬卑鄙小器

批示遵行臣又

不識大體之至

奏者開濬吳淞江於陳家渡口築壩業經備齊椿料

松江府知府周中鉉率同河臣送到裡河營把總

陸章等日夜料理堵築三月二十九日正在合龍

周中鉉陸章乘埽船衝流督夫下埽值迴潮水溜

周中鉉等可謂因公盡命深可惋惜此皆汝等不體下

船傾周中鉉陸章俱經溺水因公身故臣現在查

情不惜屬員迫令趨事之所致覽至此朕幾乎淚落

明

題報外該知府管理海關稅務承辦銅觔監修海塘
公事重大查同知金文宗同事松江熟悉事務人
亦勤幹誠實即行委署速令料理諸務臣向知周
中鎡辦銅收稅之事係伊胞兄周中鏜同胞侄周
印梅二人經手稅銀正在清查其上運銅觔現經
起解下運之銅已經給商採買臣仍著落周中鏜
周印梅原經手之人上緊料理飭令金文宗承辦

辦銅

一事自不應推卸他人

督催毋致遲誤查松江府為濱海要區必得熟練

之員方克勝任仰乞

聖明揀選能員補授則要地得人臣可收指臂之效矣

伏乞

睿鑒施行謹

奏

莫非要地豈止松江一郡為然為汝收臂指之效其事
小國計民生所關甚大豈不欲得賢員而用之奈汝等
庸碌督撫不能秉公察吏舉錯失宜殊可惜國家人材

耳既不知鼓舞又不能訓導致令良吏垂首劣員得志
自損臂指而竟不覺奈何奈何即如呂大雲豈應破格
保薦之人乎若言其庸劣似屬冤抑若照爾之薦語實
不至此似此品評屬員之高下孰肯心悅誠服耶

同日又

奏臣查南匯縣知縣欽璉履任以來勤於催科理訟
頗稱有才今因違誤

欽工臣不敢不會稿

題叅但欽璉實係地方能員臣不敢隱匿不言合行

密

奏伏祈

皇上睿鑒謹

奏

既係有才之員何至違悞工程耶爾觀人之術朕甚信
不及雖非存私目力不明亦安能甄別賢否

雍正六年四月十八日蘇州巡撫臣陳時夏謹

奏為請

旨事竊臣庸愚無似仰沐

聖恩畀以蘇撫重任兼理各關稅務蚊負是懼時深兢
惕凡委理關務之員必擇才守兼優者飭其實力
奉行今查上海一關歷年贏餘銀兩自一萬五六
千至二萬七千有奇臣因查勘河工兩歷上海地
方留心訪察知關外海道四達商船往來無定全
賴管理之員實心稽察寬嚴並濟則商販聚而

國課裕較歷年贏餘之數實可加增臣意欲自行試
收一年以核實數臣雖不能分身前往有臣子候
選州同陳萬里尚可驅策如責其專心在關上緊
稽察毋使吏役侵肥逐日儘收儘報似於稅務有
益臣因清釐稅務起見用敢冒昧瀆陳是否可行
伏候

聖裁批示遵行謹

奏

關稅原係責成巡撫辦理之事無論如何題請皆可但
身任封疆統率羣僚不能信托一人威服一人甚至稅
務小事皆欲親自料理又欲委用親子恐難免人竊笑
也觀此一關尚不得人管理則通省屬員中一無可信
一無令從之人可知矣國計民生大事如何辦集其一
切苟且塞責俱在不言之表也奈何奈何

同日又

奏為奏

聞事竊查江蘇二麥收成分數江寧府屬有十分九分

八分不等蘇松常鎮四府屬九分八分七分不等

淮安府屬高田八分低田六七分不等揚州府屬

九分八分六七分不等太倉州通州各屬九分八

分徐州七八分不等邳州海州尚未報到惟揚州

府屬之江都縣四月初三日偶有冰雹仙女鄉地

方二麥微有損傷常州府屬之靖江縣冰雹稍重

據報二麥被傷秧芽壓壞臣經委員查勘俟勘明

電之為確實如果成災設法撫恤窮黎容另
補種晚稻當

題報謹具奏

勘明損壞田畝多寡之數確實具題
聞又臣查蘇州許墅關徵收額稅之外因地方修葺東

嶽廟令各商捐錢每大船一隻錢三十文中船一
隻錢二十文小船一隻錢十文給票為據自前織
造胡鳳翬收起至今仍行照收查東嶽廟並未興
工不知此項錢糧每年

奏銷內曾否開入臣處無從查核惟恐關役人等借

事無鉅細咸如此據實直奏無隱朕嘉悅覽之
皇上飭查此項底有著落臣謹據實密

奏仰祈

聖鑒謹

奏

知道了

雍正六年六月十一日蘇州巡撫臣陳時夏謹

奏為欽奉

上諭事臣接准吏部咨文蒙

皇上垂念督臣范時繹未定養廉之項著江蘇安徽江西巡撫悉心計議各就地方局面如何定為養廉之處具摺啓奏欽此臣遵即移咨安徽江西撫臣去後今准安徽撫臣咨稱司庫有應繳督臣規禮銀四千兩江安糧道有應繳規禮銀四千兩江西撫臣咨稱例有應繳督臣規禮銀四千兩臣遵查江蘇司庫有應繳規禮銀四千兩三省向例約畧相同

合共銀一萬六千兩照例繳送但督臣統轄兩江
費用浩繁實有不敷之處臣就蘇松地方局面悉
心計議請於議給各官養廉項內較舊例增銀二
千共給督臣養廉為六千兩應否如是臣未敢擅
便其安徽江西應聽撫臣魏廷珍布蘭泰各行計
議覆

奏臣謹具摺奏

聞伏乞

皇上批示遵行謹

奏

此所計議是交與布政司張坦麟料理可也

同日又

奏為欽奉

上諭遵即覆

奏事雍正六年六月初四日接奉怡親王同大學士

張廷玉蔣廷錫寄字緣張坦麟摺

奏臣囑令趙向奎勒捐交代欽奉

上諭寄信到臣因張坦麟調任後有作速赴任之

旨臣即令交代清楚無致久留始因款項甚繁清查未

楚繼又以五年分解部餉銀平飯銀兩尚未交清

迨至限滿猶復各執已見彼此互詳臣業將情由

據實具

奏在案查張坦麟交存應解部餉銀一百萬一千兩
零係雍正五年分經收之項所需飯食添平銀三

萬七千三十餘兩彼時各屬解司庫係隨正收存
張坦麟自應照數交出以為將來解部之用今張
坦麟見臣提取耗羨除派撥各官養廉之外尚有
贏餘遂將此項平飯銀兩竟不移交欲移支於雍
正六年耗羨之內但耗羨銀兩一年有一年之用
各有款項所剩贏餘賴以彌補從前各案無著虧
空原為

國帑起見若五年解費而預支六年耗羨是臣此番

提取耗羨之議非為

國計竟為張坦麟彌補虧缺矣此臣與趙向奎所以不能從之也至臣與張坦麟同城共事或偶有意見不合之處皆

朝廷公務毫無私怨今司庫交盤臣有查盤督率之任固不敢懷私以誤公更不敢避嫌而徇隱立法之始

國帑攸關不得不一言持正若有一點加意吹求以

圖勒指臣可以矢

天自誓斷難逃於

聖明洞鑒者也趙向奎以張坦麟交代遲延并庫項虧

缺陸續揭叅臣因摺

奏在案祇候

聖裁批示是以但叅遲延今蒙

皇上以岳濬等待張坦麟甚切遵即令趙向奎作速交

代謹候

硃批臣前摺到時即令作速起行庶於兩省公事無悞

伏乞

皇上睿鑒批示遵行謹

奏

此事之可笑處朕亦不再諭矣總之汝識見卑鄙褊淺
實非巡撫才經朕屢加訓諭而不能奮勉改革才智限
於此亦無可如何也汝自蒞任以來盜不能緝吏不能
察承追二百五十萬錢糧不能完二十分之一蘇郡城

內大開銅鋪而不能禁止築堤濬河工程遲悞而不能
勸懲於刑名案件則一味姑息其餘不職處不可枚舉
惟能令戲班減少大半緞鋪關閉數十座僧道數千百
人還俗祠廟數處改為書院在汝意以王道變化風俗
但不知實有益於民生處何在對人時感恩泣下而不
能仰體朕衷辦理一事似此報德於朕躬處又復何益
殊不可解除可笑之外實無以批諭汝也

雍正六年七月二十五日原任蘇州巡撫臣陳時

夏謹

奏為感謝

天恩仰祈

睿鑒事竊臣至愚極陋荷蒙

皇上隆恩畀以蘇撫重任原期矢心殫力仰報

高厚於萬一奈臣才短識淺貽誤日深有辜

聖訓復蒙

聖主寬宥戒其前愆冀其後效調署山東布政司事務

奉

命之下感激涕零臣即於六月二十四日交印卸事當
即照例

題報在案臣於二十八日起行赴任適接邸抄奉有
陳時夏仍留蘇州會同辦理各案虧空之

旨遵即停舟祇候隨准署督臣范時繹署撫臣張坦麟
各移咨到臣捧讀

諭旨愧悔靡寧因思各案虧空贓罰歷年以來不思實

力催追以致積欠如此之多咎實難辭臣現同署督撫臣細加商議設法查追力圖清楚以期稍蓋前愆於萬一至臣會同辦理事件例應具

題者當會疏具

題外倘另有應自奏請

聖訓以便遵循之處或有聞見應奏之事件并請容臣繕摺具


奏伏乞

皇上恩賜批示遵行謹

奏

遇有應奏之事自當照常摺奏何必又請批示

硃批諭旨卷十一下



總校官庶吉士臣侍朝

校對官編修臣馬啟泰

謄錄監生臣高鎮